



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Avla ... Thesavrorvm Dei In Passione D. N. Iesv Christi  
Effusorum ad Resvrrectionem Mvltorum**

**Eyschen, Georg von**

**Coloniæ, 1656**

§. 67. Quia scriptum est percutiam pastorem & dispergentur oves. v. 27.

**urn:nbn:de:hbz:466:1-45533**

ritualiter corruit. hoc autem dupliciter accidit, actiuo scandalo & passiuo. Actiuum scandalum præbet: seu scandalizat aliquem propriè qui facit ut ruat proximus in peccatum maximè mortale ex dicto vel facto suo malo, & hoc est propriè ei inferre nocementum ex parte animæ, pugnans contra charitatem proximi, ideo talis efficiens alterius ruinam, si facit hoc ex intentione siue aduertentia, semper peccat mortaliter, etiamsi dictum vel factum quo alius ruit non esset de genere peccati mortalis. Et sic Christus non scandalizauit vnquam vel dicto vel facto aliquem, quia omnia in charitate perfectissimè operatus est, nec inuentus est dolus in ore eius. Passiuum vero scandalum præbetis, qui nec intendit ruinam proximi sui aliquo facto, nec malum agit, unde ad ruinam proximus perueniat, operatur tamen bene, unde proximus sua propria malitia facit male, & hoc modo in Christo multi scandalizati sunt, nempe passiuè, ex eius bene actis, passione &c. quodq; se sinat ita capi, ligari, tormentari, crucifigi cum sit Deus & omnipotens quæ opinabantur discipuli non conuenire Christo, vnde paulatim cogitabant, apud semetipsos, si hic esset Christus Deus verus Messias, vti docuit, non se sineret ita ludibrio haberi ab omnibus, & capi & trudi, flagellari & coronari, ac denique crucifigi, hinc ab ipso deficiebant, eius conortium fugientes, dubitantes de eius doctrina, omnes excepta fidelissima Maria Matre eius, in quâ solâ illæsa mansit fides & fidei externa professio permanit tempore passionis Christi, in cæteris saltem externa professio ad tempus breue defecit.

**D**omine Deus omnipotens, neminem volens perire, obsecro te, ut ita me geram, ne vnquam sim proximo causa ruinae, sed si contingat me bene agendo esse occasionem scandali passiuè semper de eo doleam & contrister, vti tu contristari solebas.

*§. 67. Quia scriptum est percutiam pastorem & dispergentur oves. v. 27.*

Notandum Christum sæpe tum ad confortandum Apostolos & fidem eorum utpote Iudæorum, quibus scripturæ erant creditæ, tum ad eos excolendos ad futurum Apostolatium citasse prophetas, & eorum dicta, ut quando euenerint, eorū recordarentur, quod impleri debuerint, vnde quia vti Pastor bonus animam suam dare volebat pro ouibus suis, & quidem illa nocte initiū facere, præuenit discipulos admonendo quod ipse vti Pastor animarum nostrarum dirè percutietur, & ex hoc oves dispergerentur, Apostoli scilicet & credentes in eum: quod factum est mox in captione Christi.

**A**ve Iesu Pastor bone, valde à Deo, & hominibus, & diabolo, sed valde diuersos ob fines percusse. iam ostendis te esse bonum illum pastorem,

F

storem,

storem, qui animam suam dat pro ouibus suis, nam corpus paulo ante cum sanguine iam dederas in oblationem æternam. Deus meus audiens te dicentem quod dispergentur oues, valde contremisco, ne etiam ego aliquando dispergar, vel si non ego, saltem timeo pro fratribus meis qui toto orbe terrarum in Asia, Africa, America & Europa diffusi, multa patiuntur sæpe suis pastoribus & Episcopis vel percussis in ore gladij, vel captiuatis, vel relegatis, vel omnino exterminatis, quomodo in septentrione factum videmus & dolo eorum qui hæreticas doctrinas inuidentes, sæcularibus Magistratibus dulces illecebras bonorum Ecclesiasticorum in dotem dederunt. Auerte obsecro Domine dispersiones illas & sana contitiones Ecclesiarum tuo pretioso sanguine fundatarum.

§. 68. *Sed postquam resurrexero præcedam vos in Galilæam.* v. 28.

Pius Dominus ubi desolationem exposuit, confestim consolationem adiecit, & quos mentione fugæ terræ at, nomine collectionis futuræ terrarum animat, docendo quod pastor percussus fortius ad ouium custodiam resurget, & indefectibiliter post hæc non caturus procedet. Et quidem in Galilæam, vt intelligamus ob peccatum graue Iudæorum, & ingenitam tita passionis porro & gentibus aperiendum regnum celorum.

**O** Deus benignissime miserere mei, o rex gloriæ propitius esto mihi peccatori, per ingenitam bonitatem tuam ignosce mihi quod vnquam rectitudine sanctorum mandatorum tuorum auerti cor meum, sequens prauam voluntatem meam ad peccata tua pertrahentem, & abiectam deferens sanctam voluntatem tuam me ad virtutum studia inuitantem. Quomodo o Deus meus tam corde cæcus esse potui vt me vel ad momentum auerterim a summo bono, vnde mihi salus omnis & bona cuncta proueniunt, & ad terrorem caduca labentia me conuerterim, ex quibus nonnulla damna & omnis miseria ad me redit!

§. 69. *Petrus autem ait illi: etsi omnes scandalizati fuerint, sed non ego.* v. 29.

Quid agis Petre? An veritati repugnas? nescis quomodo modo carnæ nolentem lauari correxit? non meministi, quoties alias impegisti? sed video tu præcipue exerceris inter Apostolos, quia te Dominus ad maximum munus delegit, in quo tibi opus erit ingenti rerum experientia & circumspecta, vt omnium fidelium sis vice Christi in terris pastor.

**G**ratias tibi ago Domine Iesu, quod cum nobis pastorem animarum tuas vices agentem dare voluisti, eum vt Moyses Iosue famulum suum præexercitasti ad omnes casus humanos & in virtute mirabiliter solidasti.